

QVÆSTIO MEDICA, QVOD LIBETARIIS DISPUTATIONIBVS

mane discutienda in Scholis Medicorum,

die Iovis XVII. Decembris,

M. GVIDONE PATIN,

DOCTORE MEDICO PARISIENSI,

& Scholarum Censore, Præfide.

Esne totus Homo à Natura morbus?



ITAM nullus acciperet, si daretur scientibus; ad eam enim cui patet ingressus, patet & ad miseriam, nec quolongior, melior, sed quomodo fabula, ita & vita: quàm bene, non quàm diu acta sit, refert. Primo respondet ultimus dies, utque illam à doloribus auspicamur, sic ab ea, vi laborum eiicimur. Medii temporis cursus vix motu tranquilliore peragitur: hunc nobiscum dividit somnus, & pars æqua morti similis exigitur aut pœnæ nisi contingit quies, reliquum tenent tormenta. Vndique mala circumstrepunt, ubique bellum & insidiæ, nullibi induciæ, omnis dies, omnis hora nos mutat. Mundus in vnius hominis gratiam factus, videtur odio in ipsum plenus, ut per ea perniciem creet, per quæ nos tuetur & sustinet. Quin putre hoc corpus, animi pondus ac carcer, tam malè conuenit nobis, ut quod evenit in alieno habitantibus, semper aliquid supersit aut desit. Hinc crebri dolorum morsus, & innumeri morbi, qui vel silentio subeunt, vel aperto Marte grassantur & sæviunt. Neque tam vario genere vivimus, quàm ægrotamus, & mors ut semel jugulet, sæpe nos experitur: quid quod non raro transferuntur morbi, numquam vero Sanitas? Dubium quoque an Natura melior Parens, an tristior noverca fuerit? brutis indulsit animas, nobis animum quoque, sed sævâ mercede contra tanta sua munera: nam ut multi sint à corpore morbi, adhuc tamen plures ab animo. Neque vetò acuendum est ferrum, aut temperanda sunt venena, ut partis utriusque infirmo vinculo coherens societas dirimatur: Levi externarum injuriarum afflatu vitâ exuimur, penèque in id videmur nasci, ut vita defungamur. Nee à solis morbis afficimur, facessunt & negotium illorum prodromi, ipse Somnus, aliàs pars humanæ melior vitæ, etiam valentibus aliquid grave & periculosum minatur, ut & pervigilium, oris amaror & *avopēgia*, biliose impuritatis propaggines, sudores, humidioris hepatis indices; necnon ipsa Sitis, sive sit à Ventriculo, sive à Pulmone. Lassitudo multis modis no-

Editio Octava, anno 1666.

A

cet, quæ cum corporis triplex sit, & ad cujus depulsiōem tota Medicina requiritur, est & ingenij, nec illa levis, imò supplicium insolens, & sedentium ad libros miserum stipendium. Viri etiam robustissimi non carent morbi suspiciōe, nec sunt extra omnem aleam: & sua sunt illis incommoda, parque per omnes tempestas. Imò & ipsa Athletarum euexia periculi plenissima est, nisi statim soluatur. Quicquid ad summum peruenit, ad exitum properat. Speciosa illa sanitas lubrica est: ipsi bene colorati debent habere suspecta sua bona, ut gladiatores suam saginam: qui enim foris splendent, intus sæpe sordent. Humanæ vitæ mimum componunt atque perficiunt grandia non minimis gaudia mixta malis: nullum tempus excipitur: medio de fonte lepōrum surgit amari aliquid quod in ipsis faucibus angat; bellum in media pace confurgit; inuadit temperatissimos morbus, validissimos febris; & morbi causas si alia deficiunt, nimia sibi felicitas inuenit. Neminem eò bona valetudo prouexit, ut non tantum illi minaretur quantum permiserat: sed huic maliciæ ne fidito: mare momento vertitur: eodem die ubi luserunt nauigia, sorbentur, extrema gaudiij luctus occupat. Ad hæc, præter solida mala quæ sæpe muliebriter ferimus, sæpius ad opinionem dolemus; & tam æger est quisque quam credit. Has tamen inter vitæ ne an mortis moras? homo æquæ superbum ac caducum animal, quasi non sentiat ire se, vel rapi eò quod eunt omnia, sibi æterna proponit, & in quantum potest ætas humana protendi, spe ac votis occupat: quodque miserissimum, quando illi vita fragilior, quæ puncto tenui citata transit, tantò eius libido effusior: ut cum singuli dies tantumdem in mortem conferant, demens vltimum exhorrescat, eoque instante, vltiorem, si quem possis assuere, omni pretio coëmat: qui tamen dies omnino pauci semper erunt, si illos numeraueris: sed hoc habet inter alia, stolidi mortalitas incommodum, *Nemo sine querela moritur.*

IN SEMINE, è quo partes solidæ fiunt, & in sanguine menstruo, quo constant alunturque carnes, suas habent radices tam multa quibus consistamur incommoda, latèntque morborum & mortis germina, quæ & paria his ex quibus orta sunt, faciunt, & citius corpore adolescunt. In illo viget repugnantia primordiorum, quæ ut viuendi causa sunt, ita & viæ mortis; nec minùs morborum elementa, quam corporum; ac licet in permissiōnem quodammodo paria venerint, breui tamen, impari prælio sese vehementer exagitant; & dum in nos intus forisque sæuiunt, sanitatem quam fecere subuertunt; adeo infida est ex contrariis origo. Est & à semine infusus calor, qui eadem manu nos fouet ac conficit; & quia salutarem humorem suæ efficientiæ furtim, sed auidius carpit, ipsum quoque se perimit: ita ut qui author est vitæ, idem sit & necis. Sanguis maternus, in quo & aliquod semper elementum regnat, dum corporis nostri partes alit, eas quoque suis vitiis imbuat: & quamquam ea leuius quam semen in corpus infertur, maternos tamen affectus sæpius referimus quam paternos: ferè enim parentum in natos abeunt cum semine mores & morbi, vix vllis deinceps machinis abigendi: & quæ conditio est seminis, non rarò plus reddit quam acceperit. Hinc fatui fatuos generant, & qui vexantur arthritide, calculo, phthisi, epilepsiâ, morbo Punico, syphilide vel Indico, hepatico, splenico,

liberos edunt adeo similibus injuriis obnoxios, vt prius in sui perniciem experiatur mala, quàm eorum possideant bona: plerumque enim morbi per successiones quasdam, vt alia traduntur. Hæc sunt Medicorum opprobria, hi affectus, in quos temporis non est præscriptio. Ad eorum censum ne referas pueris & mulieribus familiares papulas, Hippocrati & Galeno inditas & incognitas: non ab vlla sanguinis menstrui portione, non à maligna aëris qualitate, nullòque cæli aut aëris vitio in humanam gentem sæuiente vel propagato: sed ab insigni humorum putredine ortas, quæ licet sese tantum prodant in cute, quam vel describunt maculis, vel in pustulis attollunt, nihilominus in alto malum est, & in visceribus sedet. Ab iis non sunt immunes quibus è resecto vmbilico copiosus sanguis effluxit, sed potius quibus primo vitæ biennio puliculæ vius substractus. Præcipua curationis spes posita est in phlebotomia, quæ vel incunte morbo, etiam in latetentibus, imò & in tenellula ætate, bimestribus, trimestribusque, vel post eruptionem (quam si difficilis fuerit, apprimè) iuuabit egelidæ aquæ balneum) citò, tutò, & intrepidè administrata, fert omne punctum. Frustrà propinaueris lapidem bezoardicum, tam artis quàm artificis scandalum: frustra stillatitias illas aquas de vlmariæ & cardui benedicti, de quibus quæ dicuntur, nugæ sunt, verbæque inania: frustra decoctum lentium, vel hidrotica: frustra & famosas illas confectiones de cocco baphica, & hyacintho, non tam ad valetudinem repertas, quàm excogitatas ad pompam (quasi Medicina artium præstantissima, alieno & fucato illo splendore indigeret) nullo nomine cardiacas, titulo quidem speciosas, sed effectu inanes, quæque ad morborum curationem non magis valent, quàm nania præficæ ad excitandos mortuos. In hoc censu aurum repono, nulla alia qualitate cardiacum, quàm quod mentem exhilaret.

TOTVS hic Orbis valetudinarium est, in quo non omnes decumbunt ægri, sed eorum multi pro sanis ambulant: pauci morbum suum vident, omnes amant: totus mundus scenicum est theatrum, in quo quisque suas partes agit, donec choragus educat è proscenio, & vbi πολλὰ μορραὶ καὶ πυχρὸν τῶν: quippe hominem tot vndique circumstant morborum ideæ, vt ab illis vix momento sit liber. Nonnulli certis sæculis prodeunt, occidunt, vt Gemursa: & patrum memoriâ, certis Europæ regionibus cum Ægypto commune malum, quod cum olim in Reges incidisset, populis erat funebre, crudeli & inuiti remedio, balneo ex humano sanguine parato: nec vero vitior è νουχρηδὸς, sed nec hydrargyri, facæ Chymistarum gentis Idolum vanissimum. Quidam infauusta peregrinatione huc illuc vagantur: sic luem illam Italicam, horrendum scortatorum flagellum, Europæis India, Indis vicissim variolas misit Europa, altera alteri malas merces. Habet vnaquæque regio priuata commoda, sed habet & priuatos morbos: sic Hispaniam infestat Struma, Poloniam Plica, Parisinos Catarrhus πνευμάτις, Tussis, & Calculus, Anglos, Lusitanos & Bencarnenses, ἀνάρη, siue morbus exsicicans, qui prorsus idem est cum Phthisi, nec est aliud quàm morbus materiæ Fernelij, & marcor pulmonis: sic Balthici maris accolæ Scorbutus, sic Narbonenses, carbunculi frequentes, Romanis Consulibus ac Purpuratis æquæ fatales. Tempestatum vicissitudine morbos quos creât singu-

iæ, non tam deponimus, quàm mutamus. Hyems scelerato frigore necat,
 Ver morborum infinito numero. Æstas immodica siccitate, vitæ princi-
 pia depopulatur. Autumnus Libitinæ quæstus acerbæ fructum proventu
 morbos creat atrocissimos. Ipsi quoque humores quam debent fovere
 sanitatem, sæpenumero labefaciunt. Ita sanguinei ab incrassato vel are-
 facto sanguine, desipientiæ obnoxij. Pituitosi, asino tardiores, & hyeme
 Gallicâ frigidiores, nihil aliud sunt quàm ἡρώων ἄλλος ἀγούνης. Melan-
 cholicis misera est atque infelix vita, quoniam imprimis dormire non
 possunt, etiam si maximè velint: tum etiam quia causarii, pertinaces, omnia
 tuta timentes, atris tenebris & carcere cæco conclusi, nigri humoris
 potenter dominantis ἀνομαλία, vulgo Medicorum crucem figentes: eo solo
 felices habendi, quod sunt providi futuri. Soli biliosi, si temperati corpo-
 re, mente valeant, ingeniosi, fortes, optimi heroes: si intemperati, leves,
 inconstantes, crudeles, feræ, Tyranni. Quid multa? etiam morbus est
 aliquis per sapientiam mori: morbis enim quoque quasdam leges Natura
 imposuit. Vere vix incipit Quartana, quæ ubi autumnalis, fere annua est,
 aut lethalis. Pestis Mauritanæ vastatrix, parcit Occidentali Æthiopæ
 licet fervidissimæ, minimè senibus, ut somniavit Plinius: at ubi affligit,
 qualiacumque adfuerint symptomata, nunquam ante coctionem purganti-
 bus oppugnanda, eludit amuletorum omnium vim, & quæ occultâ virtute
 agere falsò circumferuntur. quidam in servitia sæviunt morbi, quidam &
 in proceres, ut mentagra olim nobilium pœna: Sed & qui separantur sexu,
 separantur & morbis. Viri, esto sciant quantum possit vnus Vterus,
 certè non experiuntur. Hæmorrhoïs viris interdum purgatio, interdum
 ut & mulieribus morbus est. His aliàs pepercit Arthritis, nunc familiaris,
 non mutatâ naturâ, sed vitâ, scilicet beneficium sexus sui vitis perdi-
 derunt, & quia feminam exuere, damnatæ sunt morbis virilibus. ex
 morbis quoque aliqui totius sunt corporis, ut febres ferè à bile omnes,
 quatum alia quino & septeno circuitu repetunt, alia quotannis natali die:
 Aliqui singularum sunt partium, quæ & communibus tentantur morbis,
 ut omni intemperiei & tumorum genere, inflammatione, abscessu, vulne-
 ribus (quorum medelam nihil promouet vnguentum hopiatricum: nec mi-
 litaris ille pulvis sympathicus) & seorsim quoque propriis exercentur affe-
 ctibus. Inter capitis vitia sunt cephalæa, phrenitis, melancholia, (quæ
 nihil aliud est quàm perturbata animi mens, cum mœrore metuque: aut
 acerba mentis intemperies, quæ nec parvis, nec abjectis ingeniis accidit:
 imò ferè semper est ἡρώων πᾶσις, & imagiuosus quidam animi morbus, qui
 omni medicinâ, saltem violentâ, solet efferari ac exacerbari; vertigo,
 lethargus, typhomania, fatuitas, epilepsia, paralytis, apoplexia, quam
 inducit, tabacocapnia, irritat excitata febris, insanabilem reddit Vinum ex
 Stibio, verè stygium & tartareum venenum, inhumanum & lethale Para-
 celsi & Agræarum inventum, cuius maleficio non tam sordes eluuntur,
 quàm venæ aperiuntur, & viscera discerpuntur. Ita quæ in eo sedem
 habet facultas animalis non tot se prodit functionibus, quot patet injuriis.
 Multis modis, sed maximè imperitis illudit Incubus, quem inepti nonnulli
 in spectra, nocturnos lemures, lamias, & sagarum ludibria stolidè reji-
 ciunt. Oculi, animi index, pars tantula, tot sustinet morbos, ut nedum

constet de numero. Nasum obidet putre vlcus, Ozæna dictum, quo qui laborant, ipsi tum sibi graveolent putiduli, tum vicinis retrī spiritus contagione molesti sunt. In illis puris acredo tenella ossa arrodit atque exedit insigni deformitate, excusumque palatum sæpe perforat. rīusmodi vlcus ferè carcinodes est, aut venereum, aut strumolus, aut elephanticum. Plura dicam: animum ipsum ex nasi purulentia infici volunt Physiognomones, unde illis est axionia; corruptum nasum sequitur corruptio morum; quod est probabile: ex isto enim nasorum genere, qui rancidulo ore loquuntur, hoc est, *ἀνδρὲς ἂν δ' οὐκ ἀνδρῶν*, vulgo nebulones sunt, mendaces, maligni, invidi, ridiculi, effiænes, nefarii, ardeliones, vafri, dolosi, obscæni, turbulenti, quadruplatores, flagitiosi, infames, contumeliosi, toculliones, facinorosi, nulla virtute redempti, à vitiis ægri, solæque libidine fortes, industria fidei & à Natura facti ad fraudem & calumniam. Vt ut sit, miseri homuli medicinâ indigent, sed violentâ, ferro & flammâ. Ex tota affectibus qui Thoracis ambitu continentur, caue ab hæmoptysi & inflammatione Pulmonis: nec minus lethales sunt hydrops thoracicus (quem pulmonei pedes demonstrant, quémque hydragogon vñ tollere qui nititur, tortorem agit non Medicum) angina vera, pleuroperipneumonia, empyema, nisi statim fiat sectio: crudum tuberculum, naturâ sua immedicabile, cuius index est pulsus intermittens & inæqualis in omni genere inæqualitatis, Cordis palmos à grumo sanguinis, vt & phthisis, & vomica putres, ab his enim subitæ mortes, atque intestata senectus. Cor quibus lienosum est, salit sæpe, & momento interimit. Reverâ Ventriculus plurimis vrgetur symptomatis, nec ferè multo paucioribus morbis: at, quæ illi passim tribuitur Imbecillitas, nudum & inane nomen est, cuius curationem frustra per adstringentia moluntur empirici, divinæ artis quam profitentur, ignari. Iecur viscus est fecundum humoribus, magis verò morbis: ab hoc ferè equuleo magis formidandum crudelis Rheumatismus, qui sudorificis exacerbatur. Quæ sit vis lienis, quot morborum sit author, discet ex hypochondriacis & insanis. Vterum divinam luxuriantis Naturæ favissam, penè infiniti malè habent affectus, in quibus familiam ducunt atque supereminent, inflammatio, cancer, *ποῦς γυναικείος*, abortus, vlcus, *μὲν Εὐμαρία*; quódque omnem propè fidem superat, strangulatus, adeo terrificus, vt eo correpta, dyspnæa præfocante, faucium intumescentiâ, & membrorum concussione, à malè morato vtero, stultis & credulis temerè iudicantibus falso putentur *δυσμηνέες θάλας*. Pudendum partium magis pudendos morbos, pudor hîc non finit adscribere; vel ipsa Vrethra, si fascini, sanè non est morborum expers: adstites glandulæ gonorrhæam fundunt virulentam, vbi tetri virus afflatu inflammantur, vt ea de causa huic etiam inveteratæ, pulchrè medeatur venæ sectio è brachio, quæ lucem veneream numquam excitavit, quidquid garriant imperiti Medicelli. Per naturam Homo homini Lupus, vt per Medicinam homo homini Deus: etiam homini multa à seipso mala, sed & multa ab alienis animalibus intus forisque grassantibus, quosdam enecat nepa, alios rabies, quæ vt in cane & lupo, quidni & sponte excitari possit in homine? & verò etiam aliqua sinu suo fovet in perniciem: quippe nascuntur in venis dracunculi, ferè vbis vermes, qui & eminguntur & emunguntur. Ipsi pediculi Regibus, Philosophis & Tyrannis vitam ademere: aliis serpentes, qui interdum

magnâ copîâ erumpunt è corpore. Scire vis an aliqui quoque sint ætatum morbi? totam vitam tracta.

PVNCTVM est quod vivimus, vel puncto minus, & tamen Natura in tam angusto plures posuit gradus. Vix concepti & inchoati hominis signa sunt mille matris tædia (tam magno empta brevis voluptas) pica, incubus, spasmus: & puræ mulieres id faciliùs sentiunt quàm impuræ. O frivolum hominis originem! sepe Vterus ei pro tumulo est, & plerumque vel abortûs causa fit odor à lucernarum extincta. His principiis nascuntur & Tyranni, & Heroës, ab illis nihil dissimiles, quibus interdum ante mortem erumpunt vlcera, qualia olim Lyandro Laconi, à nigræ bilis dominatu. Est & ubi velut ante miseras miser, in vtero ejulantis vocem emitit. In partu quid non metuendum ab imperita obstetrice? & à partu, quid non ab aliena nutrice? quamquam nec tutum puerperæ lac, à quo fiunt colostrati infantes, quemadmodum à biliosæ nutricis lacte calculus. Vt hoc maternorum viscerum latens onus spiritum ducat, penè mater expirat. Pudet referre quàm immeritò natalium nobilitate gloriantur homines: scèdum, sed tamen verum, nonnumquam ipse Vterus prurit ac ebullit vermibus, vt cum iis ceu cum gemellis, eadem sint Tyrannis ortûs incunabula. Natus homo, Solstitialis vertex herba solet, aut ostenditur simulque rapitur, aut primum vitæ tempus dat lacrymis tam iustè cadentibus, vt hoc ipsum flere nascentis sit: strictos subinde gladios experitur, imò nec sine his in vitam asseritur: mox quæ ne feras quidem inter nos genitas, illum excipiunt vincula, quem aliquando non capient regna. Vide an in ætate nostra quod optimum primum est? vñsci, fari, ingredi nescit animal cæteris imperaturum, & hanc vitæ partem quadrupedi similem facit. Neque interim tam teneris membris parciunt morbi, sed pusionem vel adhuc à matre rubentem adoriuntur. Palpitans vertex achoribus, hydrocephalo & siriasi premitur, aures humiditate distillant quarum vicinæ glandulas præuâ *εμπύεσι* opprimunt parotides, veramèrque *βλασφημία* *ἡ ἐπὶ τῶν*, vix vnquam bonis ægrorum rebus apparentes, nisi geminæ fuerint, vt Dioscuri solent, prosperi carsus nanigantibus prænunciij. Nondum firmum cibus os aphthis scatet: pulmo quintana tussis, ferina & contumaci, à sero maligno & *ἀνταρμύ* è venis exsudante: Ventrículus vomitu rumpitur, aluum vexant tormina, Umbilicum inflammatio, mentem vigilæ & panores. Dentientem torquent conuulsiones, gingivarum pruritus, febres, & diarrhææ. Natu maiori inflammantur tonsillæ, luxantur vertebæ, generantur in intestinis lumbrici, amaris seminibus, acidis, oleaginosi, aut mercuriali aqua necandi: solis verò purgantibus ex aluo deturbandi: in Vesica calculus, nullo *ἀποσπέν* frangendus: asthma neque emeticorum, neque diureticorum vsu curabilia: struma, quæ si vlceratæ fuerint, malignæ, contagiosæ & immedicabiles habendæ, nisi vis maior & Metaphysica, nempe Christianissimi Regis salutare manus. interuenerint: toto corpore scabies & furunculi, ad quorum medelam unica *μαρμαίρεσις* *τῆς ὀμύνης*. Pueritia adeo morborum ferax est, vt nullus optet ad eam reuerti. An etiã quia tunc desideratur sapientia! quæ nunquam præcox vel si barbam antecæ? Per hanc hæmorrhagiæ & febres diuturnæ affligunt, & qui morbi ex ætate non soluuntur, & inueterascere so-

lent, & obscurari: nec attinet quod tum maxime sequax corpus luculentum capiat incrementum: posse crescere, nonne imperfectæ rei signum est?

QUÆ sequitur ætas licet temperatissima sit, ac iam pueritiæ vitia de-
spumant, pessimos tamen affectus inuehit, cuiusmodi sunt morbus
major, nonnunquam à flatu, tabes, cruentæ spuitiones. Cum in viros euasce-
re, pulmo infestatur peripneumoniâ, thorax pleuritide, deterioris in sini-
stro latere omnis, aliis lienteria, diarrhœa & dysenteria, quæ melius de-
trimentum diceretur, utpote in qua deteruntur intestina in propria substan-
tia: & cuius, si vera fuerit, quatuor sunt signa pathognomonica; ut nimi-
rum sit cruenta, dolorifica, frequens & pauca deiectio: Morbus interdum
acutus, semper grauis, in hepatis *αὐτοῦ* desinens ut plurimum, vel in gan-
grænosin intestinorum, quæque tantum per accidens & secundariò affi-
ciuntur, cum prima mali labes sit in mesenterio, pernicioso abscessu, aut in-
flammatoria quadam dispositione obfesso: cruciant demum cavus & chole-
ra, cum sub pectore macula bilis inuuit, quam vix extinxerit vna cicu-
tæ; quorum soliatque legitimi vindices sunt venæ sectio & frigida potus.
An prodest illa virium firmitas? tardum dictu, sub quam lateat bea-
tum ingenium, nam & animi vigor cum corporis viribus minuitur, & ni-
mio robore membrorum hebescit, quasi supra mortalem sit felicitatem,
eundem & valentissimum esse & sapientissimum. Inclinante ætate bilis atre-
que fit preuentus; vnde Quartana non minus infortunata, quia biduo medio in-
teruallatur, & in qua *μία μνησὶς, δύο μνῆρες*, ex Phaurorino, cum sit iuveni-
bus tormentum, senibus mors, eo que citius si continua fuerit: malum con-
tumax & ferè plusquam corporeum, cuius curationem frustra suscipias pa-
uore, maleficio, vomitu: imò nec purgantium vsu, nisi præsentè *παραυγῇ*: ob
id quoque sanguis, qui aliàs spumanti ore euomebatur, per anum fluit, id-
que maxime *ἐκ τῆς ἀκροποσῆς*. Interea obrepit non intellecta senectus, ex-
pectata diu, votisque optata malignis, quæ tamen innumeris corpus lace-
rabile morbis obicit: mala merx, mala ætas, & adhuc iuuentutem cogitan-
tibus supra caput est: nihil habet quod speret, quem illa ducit ad mortem:
huic vni intercedi non potest. Cum vniuerso pondere incubuit, nullo ge-
nere homines atrocius moriuntur, sed nec diutius: inde est quod nec viuere
nec mori volunt: vitæ illos odium tenet, timor mortis, qui quoties mentem
percutit, palpitantibus præcordiis viuunt, maxime si climactericus annus,
sapienti nequidquam formidabilis. Eheu nos miseros, quàm totus ho-
muncio nil est! Quanta senem circumveniunt incommoda! tunc enim flo-
ret amygdalus, impinguitur locusta, dissipatur capparitis: mors illi est re-
quet, viuere pœna grauis. Tunc aduenit abeundi tempus è vita, quæ am po-
scenti Naturæ vt debitor malæ fidei redditurus non tam exultat quàm mœ-
ret animantium omnium miserimus: & tanquam inexercitatus histrio, in
postremo fabulæ actu ridiculus concidit. Siccum & vacuum cerebro ca-
put subiectas partes humoribus obruit, tentatur & vertigine, quæ vt
preit apoplexiam, ita hæc si soluat, ferè in paralytim desinit. En se-
nibus vitæ portio quanta manet! hebescent sensus, cum voce tremen-
tia labra, in facie pallor, madidæque infantia nasi: si libros repetit, duplex
se littera findit; eripitur sine nocte dies, nisi succurrant oculi vitreæ; præmo-

ritur odoratus, auditus, incessus, exangui & funereo Euclioni dentes suis excussi alveolis balbutiem pariunt, Thoracem quatit prava tussis, ut & Suspirium, non minus æque quàm Philosophia, meditatio mortis nuncupandum: renes & eorum ductus carnis flex calculus, vesicam dysuria, (quæ si contumax fuerit, solâ sectione ad perinæum curabilis) artus *diabets per uenarum*, articulos lapidosa chiragra, nodosa podagra; imo interdum assiduo ægrorum cruciati, *maydya*. Si copiosus sanguis Cor obruat, sive ille conereverit, necne, cardiaca Syncope statim suboritur, à qua subito suffocatur animal, eodem modo quo Aplectici: istam nulla valet Medicina repellere pestem, nequidem artes Dardaniæ: imò nec ipsa Salus sicupiat. Etiam gelidus sanguis cutem vrit pruritu & maligna impetigine: totum denique corpus non antè torqueri desinit, quàm dolore sensum doloris amiserit. Hæ sunt primitiæ mortis, sic illis defluit ætas, quæ pœna est totum quod vivunt: qui acerbis dolorum suppliciis penè confracti, & assiduis cruciatibus sapientes facti, illud ad Midam Sileni verissimum experiuntur; optimum esse non nasci, aut quàm celerrimè mori. Accedit omni membrorum damno major dementia: nam senibus exprobratur infantia, quasi pars summa vitæ, vitæ ipsius fœx sit: pauci quippe sunt, qui cum sentiant ætatis injuriam in corpore, non sentiant in animo, vixque tum mentis oculus acutè cernit, cum corporeus deflorescit: at certè multis iners vita sine vfu jaceat sui, ita ut sibi sint odio, cæteris graves, tum nihil optabilius, quàm quæ est in propinquo mors, omnium dolorum & solutio & finis, vltra quam mala nostra non exeunt, optimum Naturæ inventum, omnem inærorem aufrens, & supra Homericum Nepenthes potentissimum pharmacum, à Diis immortalibus quibusdam piissimis tanquam summum premium indultum & persolutum, unica tot ærumnarum clausula, & vltima vitæ linea. Quæcumque enim & artes moluntur, & parit Natura, vna mors hæc sibi vindicat: stant ut ruant: vivunt, ut obeant: huic extremo discrimini servatur Orbis, & singula omnia quæ Mundi sinu coërcentur. Ita nascentes morimur, finisque ab origine pendet.

Ergo totus Homo est à Natura morbus.

Proponebat Lutetiæ PAVLVS COVRTTOIS, Meldenfis.
A. R. S. H. M. DC. XLIII.

DOMINI DOCTORES DISPVTATVRI.

M. Robertus Debonnaire,
M. Martinus Abakja, Pr. R.
M. Durandus Franciscus Ten.

M. Leole Tousneurs.
M. Nicolaus Cappon.
M. Nicolaus Richard.

M. Hermannus de Lannay.
M. Philippus Harduinus de S. Lacquis.
M. Hieras Beda.

PARISIIS,

Prostant Exemplaria apud I. BAPTISTAM NEGRO, Typographum,
ad Pontem S. Michaelis, à la Tour de Billy, 1666.

*cette thèse est la 920^e du ^{troisième} tome VI infolio
des thèses de la faculté.*

*Alte note: cette thèse est la 920^e du ^{troisième} tome VI infolio
des thèses de la faculté. —*